

**ՊԵՏՈՒԹՅԱՆ ԿՈՂՄԻՑ ԴՐԱՄԱՇՆՈՐՀԻ ՁԵՎՈՎ ՏՐԱՄԱԴՐՎՈՂ ՖԻՆԱՆՍԱԿԱՆ  
ԱԶԱԿՑՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ  
ՊԱՅՄԱՆԱԳԻՐ N ԵՄՆԱԿ-ԴԾ-20/1**

ք. Երևան

«20» հունվարի 2020թ.

ՀՀ շրջակա միջավայրի նախարարության անտառային կոմիտեն, ի դեմս կոմիտեի գլխավոր քարտուղարի պաշտոնակատար է. Սեփյանի, որը գործում է ՀՀ շրջակա միջավայրի նախարարության անտառային կոմիտեի կանոնադրության հիման վրա, այսուհետ՝ «Շնորհատու», մի կողմից և «Հայանտառ» ՊՈԱԿ-ը, ի դեմս տնօրենի պաշտոնակատար Վ. Մացակյանի, որը գործում է կազմակերպության կանոնադրության հիման վրա, այսուհետ՝ «Շնորհատու», մյուս կողմից (այսուհետ միասին՝ Կողմեր), հիմք ընդունելով ՀՀ կառավարության 2019 թվականի դեկտեմբերի 26-ի N 1919-Ն որոշումը (այսուհետ՝ Որոշում)՝ « Անտառապահպանական ծառայություններ » միջոցառման (այսուհետ՝ Ծրագիր) իրականացման նպատակով կնքեցին սույն պայմանագիրը (այսուհետ՝ Պայմանագիր)՝ հետևյալի մասին

**1. Պայմանագրի առարկան**

1.1. Սույն պայմանագրով Շնորհատուն պարտավորվում է Ծրագրի իրականացման նպատակով Շնորհատուին հատկացնել Որոշմամբ նախատեսված՝ «Անտառապահպանական ծառայություններ» ծրագրով 1 335 485 900 (մեկ միլիարդ երեք հարյուր երեսունհինգ միլիոն **չորս հարյուր ութսունհինգ հազար ինը հարյուր ՀՀ դրամ՝ ներառյալ ԱԱՀ**, իսկ Շնորհատուն Ծրագիրը պարտավորվում է իրականացնել Որոշմամբ և սույն պայմանագրով սահմանված կարգով:

1.2. Ծրագրով նախատեսված Շնորհատուի կողմից իրականացվելիք միջոցառումները (այսուհետ՝ Միջոցառումներ) ներկայացված են սույն պայմանագրի N1 հավելվածով:

**2. Կողմերի իրավունքները և պարտավորությունները**

**2.1. Շնորհատուն իրավունք ունի՝**

2.1.1. ցանկացած ժամանակ ստուգելու Շնորհատուի կողմից իրականացվող միջոցառումների ընթացքը և որակը՝ առանց միջամտելու վերջինիս գործունեությանը.

2.1.2. Ծրագրով սահմանված պահանջներին չհամապատասխանելու դեպքում չընդունելու իրականացված միջոցառումները՝ իր հայեցողությամբ սահմանելով թերությունների անհատույց վերացման ողջամիտ ժամկետ, Շնորհատուից պահանջելու վճարել սույն պայմանագրի 5.1-ին կետով նախատեսված տուգանքը.

2.1.3. առանց իրականացված միջոցառումների արդյունքների դիմաց գումար տրամադրելու՝ միակողմանի լուծելու սույն պայմանագիրը և պահանջելու հատուցել պատճառված վնասները, եթե՝



ա. Շնորհառուն ժամանակին չի սկսում Ծրագրի իրականացումը, կամ Ծրագրի իրականացման ժամանակ ակնհայտ է դառնում, որ այն պատշաճ չի իրականացվելու,

բ. Շնորհառուն երկու և ավելի անգամ խախտել է Ծրագրով նախատեսված առանձին միջոցառումների իրականացման ժամկետները,

գ. իրականացված միջոցառումները չեն համապատասխանում Ծրագրին.

2.1.4. սույն պայմանագիրն օրենքով կամ սույն պայմանագրով նախատեսված հիմքերով լուծելու դեպքում պահանջելու իրեն հանձնել անավարտ միջոցառումների արդյունքները:

## **2.2 Շնորհառուն իրավունք ունի՝**

2.2.1. իրականացված միջոցառման արդյունքը Շնորհատուի կողմից ընդունվելու դեպքում պահանջելու վճարել իրեն հասանելիք գումարը.

2.2.2. Շնորհատուի կողմից գումարները չվճարվելու դեպքում միակողմանի լուծելու սույն պայմանագիրը և պահանջելու հատուցել իրեն պատճառված վնասները:

## **2.3. Շնորհատուն պարտավոր է՝**

2.3.1. Ծրագրով նախատեսված դեպքերում աջակցել Շնորհառուին.

2.3.2. կատարել Ծրագրի (առանձին միջոցառումների) իրականացման մոնիթորինգ՝ անհրաժեշտության դեպքում համագործակցելով այլ պետական կառավարման կամ տեղական ինքնակառավարման մարմինների հետ.

2.3.3. իրականացնել Ծրագրով նախատեսված այլ աշխատանքներ.

2.3.4. իրականացված միջոցառման մասին ներկայացված կատարողական հաշվետվությունների վերաբերյալ համապատասխան որոշում ընդունել դրանք ստանալու օրվանից մինչև 5 աշխատանքային օրվա ընթացքում: Եթե ներկայացված հաշվետվությունների համաձայն իրականացված միջոցառումը համապատասխանում է Ծրագրի և սույն պայմանագրի պահանջներին, ապա դրանք ընդունվում են:

## **2.4. Շնորհառուն պարտավոր է՝**

2.4.1. իրականացնել Ծրագրի շրջանակներում Շնորհատուի կողմից տրամադրված գումարների՝ Հայաստանի Հանրապետության հանրային հատվածի կազմակերպությունների հաշվապահական հաշվառման ստանդարտների դրույթներին համապատասխան հաշվառում.

2.4.2. պայմանագրով նախատեսված ֆինանսական միջոցներն օգտագործել ծրագրով և (կամ) սույն պայմանագրով սահմանված նպատակներով ու չափաքանակներով.

2.4.3. կատարել Շնորհատուի կողմից բացահայտված թերությունների վերացման նպատակով տրված ցուցումները.

2.4.4. սույն պայմանագրով սահմանված կարգով Շնորհատուին ներկայացնել միջոցառումների իրականացման մասին հաշվետվություն.

2.4.4.1. Հավելված N 2-ով հաստատված ոչ ֆինանսական /արդյունքային/ ցուցանիշների կատարման վերաբերյալ կազմված եռամսակային հաշվետվությունները ներկայացնել մինչև հաշվետու եռամսյակին հաջորդող ամսվա 5-ը, իսկ Ծրագրի ավարտից հետո՝ ամփոփ հաշվետվություն համաձայն Հավելված N 6-ի.



2.4.4.2. փաստացի կատարված ծախսերի վերաբերյալ եռամսյակային հաշվետվություն՝ մինչև հաշվետու եռամսյակին հաջորդող ամսվա 5-ը՝ համաձայն սույն պայմանագրի N5 հավելվածի, իսկ Ծրագրի ավարտից հետո՝ ամփոփ հաշվետվություն:

2.4.5. սույն պայմանագրի գործողության ընթացքում ապահովել Ծրագրի իրականացմանը վերաբերող փաստաթղթերին ծանոթանալու Շնորհատուի հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում:

2.4.6 Շնորհատուի կողմից առանձին միջոցառումների իրականացման մասին հաշվետվությունները չընդունվելու դեպքում Շնորհառուն պարտավորվում է անվճար՝ Շնորհատուի կողմից սահմանված ողջամիտ ժամկետում վերացնել արձանագրված անհամապատասխանությունները:

2.4.7. Ծրագրի իրականացման համար անհրաժեշտ ապրանքները, աշխատանքները և ծառայությունները ձեռք բերել «Գնումների մասին» Հայաստանի Հանրապետության օրենքով սահմանված կարգով՝ պետության կարիքների համար կատարվող գնումների կանոններին համապատասխան,

2.4.8. Սույն պայմանագրով նախատեսված միջոցառումների տարեկան արդյունքները Շնորհատուի կողմից ընդունվելուց հետո՝ միջոցառումների իրականացման արդյունքում առաջացած տնտեսումները /խնայողությունները/ վերադարձնել ՀՀ պետական բյուջե ոչ ուշ, քան մինչև 2020 թվականի դեկտեմբերի 25-ը:

2.4.9. Սույն պայմանագրի 1.1 կետում նախատեսված գումարում ներառված ավելացված արժեքի հարկի գծով հատկացումները չեն կարող ուղղվել այլ նպատակների և չօգտագործված գումարները 2020 թվականին ենթակա են վերադարձման ՀՀ պետական բյուջե:

### **3. Մոնիթորինգը**

3.1. Շնորհատուն Ծրագրի իրականացման նախնական, ընթացիկ և վերջնական արդյունքների համապատասխանության գնահատման նպատակով իրականացնում է մոնիթորինգ:

3.2. Մոնիթորինգն իրականացվում է Շնորհատուի և (կամ) նրա կողմից լիազորված անձի կողմից:

3.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով Շնորհառուին տրվում են ցուցումներ, և կատարվում են առաջարկություններ:

3.4. Շնորհատուն ցանկացած ժամանակ կարող է Ծրագրի շրջանակներում իրականացնել մոնիթորինգ՝ ուսումնասիրելով Ծրագրին առնչվող ցանկացած փաստաթղթեր և նյութեր:

3.5. Մոնիթորինգի իրականացման ընթացքում Շնորհառուից կարող են պահանջվել գրավոր ու բանավոր պարզաբանումներ և բացատրություններ:



#### 4. Վճարման կարգը և ժամկետները

4.1. Սույն պայմանագրով Շնորհատուն պարտավորվում է Ծրագրի կատարման համար Շնորհառուին, որպես դրամաշնորհ վճարել **1 335 485 900 (մեկ միլիարդ երեք հարյուր երեսունհինգ միլիոն չորս հարյուր ութսունհինգ հազար ինը հարյուր ՀՀ դրամ՝ ներառյալ ԱԱՀ՝** սույն պայմանագրի անբաժանելի մասը կազմող N 3 հավելվածին համապատասխան: Ծրագրի գնից 80 129 200 (ութսուն միլիոն հարյուր քսանինը հազար երկու հարյուր) ՀՀ դրամը Շնորհատուն փոխանցում է Շնորհառուի հաշվին, որպես կանխավճար՝ Պայմանագրի կնքումից հետո 10 օրյա ժամկետում:

4.2. Հաշվետու ամսվա փաստացի կատարված ծախսերի վերաբերյալ՝ Համաձայն N 4 հավելվածի, Շնորհառուի կողմից ներկայացված հաշվետվություններն ընդունելուց հետո Շնորհատուն հաջորդող ամսվա վճարման ենթակա գումարը, որպես կանխավճար վճարում է Շնորհառուին՝ հաշվետվություններն ընդունելու օրվան հաջորդող 5 աշխատանքային օրվա ընթացքում:

4.3. Եռամսյակի ավարտից հետո Շնորհառուն պարտավորվում է Շնորհատուի կողմից ահմանված ժամկետներում ներկայացնել բյուջետային ծախսերի և բյուջետային պարտքերի մասին հաշվետվություն՝ համաձայն N 4 Հավելվածի և ոչ ֆինանսական (արդյունքային) ցուցանիշների կատարման վերաբերյալ հաշվետվություն՝ համաձայն Հավելված N 5-ի՝ սույն պայմանագրի անբաժանելի մաս կազմող N 2 Հավելվածով հաստատված ոչ ֆինանսական (արդյունքային) ցուցանիշներին համապատասխան:

#### 5. Կողմերի պատասխանատվությունը

5.1. Սույն պայմանագրով և ծրագրով նախատեսված պարտավորությունների չկատարման կամ ոչ պատշաճ կատարման դեպքում Շնորհառուն պարտավորվում է Շնորհատուին փոխհատուցել չիրականացված միջոցառման չափով և վճարել տուգանք՝ չիրականացված միջոցառման համար նախատեսված գումարի 1 տոկոսի չափով: Ընդ որում, տուգանքի վճարումը Շնորհառուին չի ազատում իր պարտավորությունները կատարելու և խախտումները վերացնելու պարտականությունից: Շնորհատուն սույն կետով նախատեսված գումարները հաշվարկում և հաշվանցում է Շնորհառուին վճարվելիք գումարներից:

#### 6. Պայմանագրի գործողության ժամկետը

6.1. Պայմանագիրն ուժի մեջ է մտնում Կողմերի ստորագրման պահից և գործում է մինչև 2020 թվականի դեկտեմբերի 31-ը Կողմերի ստանձնած պարտավորությունների՝ ամբողջ ծավալով կատարումը:

#### 7. Անհաղթահարելի ուժի ազդեցությունը (ՖՈՐՍ-ՄԱԺՈՐ)

7.1. Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար Կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է պայմանագիրը կնքելուց



հետո, և որը Կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսից ավելի, ապա Կողմերից յուրաքանչյուրն իրավունք ունի լուծելու պայմանագիրը՝ դրա մասին նախապես տեղյակ պահելով մյուս կողմին:

## 8. Եզրափակիչ դրույթներ

8.1. Պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են Կողմերի կողմից:

8.2. Պայմանագիրը կազմված է 2 օրինակից, 10 էջից, որոնք ունեն հավասարազոր իրավաբանական ուժ: Սույն պայմանագրի N 1, 2, 3, 4 և 5 հավելվածները հանդիսանում են պայմանագրի անբաժանելի մասը, յուրաքանչյուր կողմին տրվում է Պայմանագրի մեկ օրինակ:

8.3. Պայմանագրով նախատեսված պարտավորությունների չկատարման հետ կապված, ինչպես նաև սույն պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

## 9. Կողմերի հասցեները, բանկային վավերապայմանները և ստորագրությունները

ՇՆՈՐՀԱՏՈՒ

ՇՆՈՐՀԱՌՈՒ

ՀՀ շրջակա միջավայրի նախարարության  
անտառային կոմիտե

ք. Երևան, Ա. Արմենակյան 129

ՀՀ ֆինանսների նախարարության  
գործառնական վարչություն

Հ/Հ 900011020410

ՀՎՀՀ 00476409


«Հայանտառ» ՊՈԱԿ

ք. Երևան, Ա. Արմենակյան 129

ՀՀ ֆինանսների նախարարության  
գործառնական վարչություն

Հ/Հ 900018002270

ՀՎՀՀ 02512343









2020 թվականի \_\_\_\_\_ ընդհանուր  
N \_\_\_\_\_ պայմանագրի  
Հավելված 2  
-ին կնքված


ԾՐԱԳՐԻ ՈՉ ՖԻՆԱՆՍԱԿԱՆ (ԱՐԴՅՈՒՆՔԱՅԻՆ) ՑՈՒՑԱՆԻՇՆԵՐԻ ԿԱՏԱՐՄԱՆ ՔԱՄԱՆԱԿԱՑՈՒՅՑ

Կազմակերպության անվանումը Հայանտառ ՊՈԱԿ  
Ծրագրի անվանումը Անտառների կառավարում

| Միջոցառման նկարագրությունը    | Ցուցանիշը                                                                      | Նախատեսվում է իրականացնել 2020 թվականի ընթացքում, ընդ որում՝ աճողական |                 |          |       |
|-------------------------------|--------------------------------------------------------------------------------|-----------------------------------------------------------------------|-----------------|----------|-------|
|                               |                                                                                | Առաջին եռամսյակ                                                       | Առաջին կիսամյակ | Ինը ամիս | Տարի  |
| 1                             | 2                                                                              | 3                                                                     | 4               | 5        | 6     |
|                               |                                                                                | 342.4                                                                 | 342.4           | 342.4    | 342.4 |
|                               |                                                                                | 500                                                                   | 1000            | 1500     | 2000  |
| Անտառապահական ծառայություններ | Կառավարվող անտառային տարածքներ, հազ.հա                                         | 0                                                                     | 0               | 0        | 100   |
|                               | Ապօրինի անտառահատումների քանակ, հա                                             | 0                                                                     | 0               | 0        | 100   |
|                               | Դրամաշնորհային պայմանագրով նախատեսված միջոցառումների կատարման մակարդակը, տոկոս | 0                                                                     | 0               | 0        | 65    |
|                               | Ընթացիկ և մարդածին աղետների կանխարգելման կարողություն, տոկոս                   | 0                                                                     | 0               | 0        | 65    |

ՀԱՅԿԱՏՈՒ

ՀՀ շրջակա միջավայրի նախարարության  
անտառային կոմիտե  
Ք. Երևան, Ա. Արմենակյան 129  
ՀՀ ֆինանսների նախարարության  
գործառնական վարչություն  
Հ/Հ 900011020410/  
ՀՎՀՀ 00476409/



Է. ՍԵՆՅԱՆ

Կ. Ս.

ՀԱՅԿԱՏՈՒ

«Հայանտառ» ՊՈԱԿ

Ք. Երևան, Ա. Արմենակյան 129  
ՀՀ ֆինանսների նախարարության  
գործառնական վարչություն  
Հ/Հ 900018002270  
ՀՎՀՀ 02512343



Կ. Ս.









